

ҚАЗАҚСТАН РЕСПУБЛИКАСЫ
ДЕНСАУЛЫҚ САҚТАУ МИНИСТРЛІГІ
ТАУАРЛАР МЕН КӨРСЕТІЛЕТІН
ҚЫЗМЕТТЕРДІҢ САПАСЫ МЕН
ҚАУІПСІЗДІГІН БАҚЫЛАУ КОМИТЕТІ



КОМИТЕТ КОНТРОЛЯ
КАЧЕСТВА И БЕЗОПАСНОСТИ
ТОВАРОВ И УСЛУГ МИНИСТЕРСТВА
ПРАВООХРАЩЕНИЯ
РЕСПУБЛИКИ КАЗАХСТАН

АҚМОЛА ОБЛЫСЫНЫҢ ТАУАРЛАР
МЕН КӨРСЕТІЛЕТІН ҚЫЗМЕТТЕРДІҢ
САПАСЫ МЕН ҚАУІПСІЗДІГІН
БАҚЫЛАУ ДЕПАРТАМЕНТІ

ДЕПАРТАМЕНТ КОНТРОЛЯ
КАЧЕСТВА И БЕЗОПАСНОСТИ
ТОВАРОВ И УСЛУГ
АКМОЛНШСКОЙ ОБЛАСТИ

АҚМОЛА ОБЛЫСЫНЫҢ
БАС МЕМЛЕКЕТТІК
САНИТАРИЯЛЫҚ ДӘРІГЕРІ

ГЛАВНЫЙ ГОСУДАРСТВЕННЫЙ
САНИТАРИЙ ВРАЧ
АКМОЛНШСКОЙ ОБЛАСТИ

ҚАУЛЫСЫ

2020ж. 03 11.

Көкішетау қаласы

ПОСТАНОВЛЕНИЕ

№ 136

с.к. Көкішетау

Ақмола облысы аумағында карантиндік шектеу шараларын күшейту туралы

Ақмола облысы тұрғындарында COVID-19 короновирустық инфекциясының (бұдан әрі- COVID-19) таралуының алдын алу мақсатында «Халық денсаулығы және денсаулық сақтау жүйесі туралы» Қазақстан Республикасы 2020 жылғы 07 шілдедегі Кодексінің 9-, 36-, 102-, 104- және 107- баптарына, «Пайда болу және таралу қаупі төнген кезде шектеу іс-шаралары, оның ішінде карантин енгізілетін инфекциялық аурулар тізбесін бекіту туралы» Қазақстан Республикасы Ұлттық экономика министрінің 2015 жылғы 25 ақпандағы № 130 бұйрығына, Қазақстан Республикасы Бас мемлекеттік санитариялық дәрігерінің «Қазақстан Республикасы тұрғындары арасында короновирустық инфекция ауруының алдын алу бойынша шараларды одан әрі күшейту туралы» 2020 жылғы 23 қазандағы № 57, «Карантиндік шектеу шаралары және оларды кезең-кезеңмен босату туралы» 2020 жылғы 23 қазандағы №58 қаулыларымен бірге карантинді жүзеге асыру қағидаларын бекіту туралы» Қазақстан Республикасының аумағында шектеу іс-шараларын, оның ішінде карантинді жүзеге асыру қағидаларын бекіту туралы Қазақстан Республикасы Ұлттық экономика министрінің 2015 жылғы 20 наурыздағы № 239 бұйрығына сәйкес Ақмола облысының тұрғындары арасында COVID-19 жағдайларының тіркелуіне байланысты (соңғы аптада 2020 жылғы 28 қазан-3 қараша аралығында COVID-19 ауруының 179 жағдайы тіркелген (100 мың халыққа шаққандағы көрсеткіш-24,2), өткен аптада -79 жағдай (100 мың халыққа шаққандағы көрсеткіш – 10,7). Апта сайынғы өсім 2,2 есе. COVID-19 ауруының 7 күн ішіндегі расталған және тіркелген ықтимал жағдайлары негізінде репродуктив саны – 1,22-ден 1,58-ге дейін). Соңғы үш аптада Көкшетау қаласының тұрғындары арасында COVID-19 ауруының өсімі 3,5 есе ұлғайған, **ҚАУЛЫ ЕТЕМІН:**

1. Ақмола облысының аумағында шаруашылық және өзге де қызмет пен халықтың өмір сүруінің ерекше жағдайларын эпидемиологиялық жағдай тұрақталғанға дейін Ақмола облысының аумағында шектеу іс-шараларының жүргізілуі қамтамасыз етілсін.

2. Ақмола облысының тұрғындары:

1) ҚР БМСД-нің № 57-қаулыға № 4-қосымшаға сәйкес жеке қорғаныш құралдарын (бір рет және бірнеше рет қолданылатын бетперделерді) қолдану және кәдеге жарату алгоритмін және кемінде 2 метр әлеуметтік қашықтықты сақтауды қамтамасыз етсін;

2) жергілікті атқарушы, құқық қорғау органдарының, жедел және шұғыл медициналық көмек, мемлекеттік медициналық мекемелердің, санитариялық-эпидемиологиялық қызметтің, өрт сөндіру, авариялық-құтқару және авариялық-техникалық қызметтердің қызметкерлерін, әскерге шақырылушыларды жергілікті әскери басқару органдары (әскери комиссариат) қызметкерлерінің ілесіп жүруімен, сондай-ақ стратегиялық объектілер мен тіршілікті қамтамасыз ету объектілерінің өндірістік процесін қамтамасыз ететін қызметкерлерді қоспағанда, **сағат 21:00-ден 06:00-ге дейін** Ақмола облысының елді мекендерінде тұрғындардың жүріп –тұруы шектелсін;

3) мына жағдайлар:

- азық-түлік, бірінші кезекте қажетті тауарлар, дәрі-дәрмек және медицина бұйымдарын сатып алу;
- шұғыл жағдай бойынша медициналық мекемеге баруды қоспағанда, 65 жастан асқан адамдарға аса қажетті себептерсіз үйлерінен шықпауға кеңес берілсін.

4) **әлеуметтік қашықтықты және жеке қорғаныш құралдарын (бір рет және бірнеше рет қолданылатын бетперделерді) қолдану мен кәдеге жаратуды сақтай отырып**, ойын-сауық орындарсыз саябақтарға, алаңдарға, скверлерге және өзге де демалыс орындарына **топта 3 адамнан артық емес немесе бір отбасы мүшелеріне** баруға рұқсат беруі;

5) отбасылық, естелік іс-шараларды (банкет, үйлену той, мерейтой, дұға) және көпшілік жиналатын өзге де іс-шараларды, оның ішінде үйде өткізуге жол берілмесін;

6) жерлеу іс-шараларын жүргізу кезінде **кемінде 2 метр** қашықтықты сақтай отырып, **(отбасы мүшелері) 30 адамнан артық** жиналуға жол берілмесін.

3. Көкшетау қаласының әкімі:

1) Полиция департаментімен бірлесе Көкшетау қаласының карантиндік аймағының периметрін уақытша орнатуды, санитариялық бекеттерді орната отырып, қалаға кіру және шығу пункттерін белгілеуді қамтамасыз етсін;

2) санитариялық бекеттердің қызметі осы қаулыға қосымшаға сәйкес жүзеге асырылсын;

3) санитариялық бекеттерге қатыстырылған қызметтер қажетті құралдармен, тамақпен, электр қуатымен жабдықталсын.

4. Ақмола облысының әкімдігі, аудан және Көкшетау, Степногорск қалаларының әкімдері, «Атамекен» ӨКП:

1) БМСД-нің № 58 қаулыға 1-қосымшаға сәйкес тиісті Дайындық актілерін алғаннан кейін объектілердің қызметін жандандыруды;

2) InfoKazakhstan.kz сайтынан электрондық форматта берілетін санитариялық нормаларға сәйкес келетін Сәйкестік Актісі негізінде;

3) көпшілік мониторинг мүмкіндігі үшін объектінің кіре берісінде санитариялық нормаларға Сәйкестік актісін көзге көрнетін жерге орналастыруды;

4) шектеу іс-шараларын, оның ішінде карантин енгізілген кезде объектілердің жұмысына қойылатын санитариялық-эпидемиологиялық талаптармен танысу үшін InfoKazakhstan.kz сайтында объектінің жұмысы туралы халықты, жеке және заңды тұлғаларды хабардар етуді;

5) бұзушылықтарды жою үшін кәсіпкерлер дер кезінде шара қабылдау мақсатында шағымдарды және карантин режимін бұзу фактілерін орналастыру үшін InfoKazakhstan.kz сайтты пайдалануды;

6) шектеу іс-шаралары, оның ішінде карантин енгізілген кезде объектілердің жұмысына қойылатын санитариялық-эпидемиологиялық талаптардың сақталуын кәсіпкерлік субъектілерін тексеруді жүзеге асыратын инспекторлар мен аудитор ұйымдарының тізімін InfoKazakhstan.kz сайтына орналастыруды;

7) InfoKazakhstan.kz сайтындағы объектінің паспортына келушілердің үй-жайлардың жоспарланған толтырылуы туралы мәліметтерді кәсіпкерлік субъектісінің енгізуін (шектеу іс-шараларын, оның ішінде карантинді енгізу кезеңіндегі объектілердің қызметіне қойылатын талаптарға сәйкес, осы қаулыға және № 43 ҚРБМСДҚ-ға қосымшаларда айқындалатын 1 адамға белгіленген алаң ескеріле отырып айқындалады және енгізіледі);

8) «InfoKazakhstan» электрондық порталының жұмысы іске қосылғаннан кейін, объектілер белгіленген талаптарға сәйкес келген кезде бизнес объектілерінің қызметін қайта бастауға арналған актіні электрондық түрде беруді **қамтамасыз етсін.**

5. Ақмола облысының әкімдігі, аудандар мен Көкшетау, Степногорск қалаларының әкімдері:

1) көпшілік іс-шараларын (мерекелік, спорт көпшілік, ойын-сауық мәдени-көпшілік іс-шараларды, форум, конференция, семинар, көрме және т.б. өткізуге), отбасылық, естелік іс-шараларды (банкеттер, үйлену тойлары, мерейтойлар, дұға) және көпшілік жиналатын өзге де іс-шараларды, оның ішінде үйде өткізуге жол бермеуді;

2) ойын-сауық мекемелерінің (караоке, бильярд, боулинг орталықтары, компьютер клубтары, түнгі клубтар, жабық үй-жайлардағы балалардың ойын алаңдары мен аттракциондары, батуттар және тағы басқалар), букмекер кеңселерінің және ересектер мен балаларға арналған өзге де ойын-сауық орындарының, кальян мекемелерінің (оның ішінде қоғамдық тамақтану объектілеріндегі) қызметін тоқтата тұруды;

3) фудкорт, банкет залдарының қызметін тоқтата тұруды;

4) спортшылардың Қазақстан Республикасынан тыс жерлерде оқу-жаттығу жиындары мен жарыстарға қатысуы үшін шығыуна тыйым салуды;

5) бетпе-бет жиналыстарды (отырыстарды) өткізуге тыйым салуды;

6) ашық ауадағы аттракцион қызметіне тыйым салуды;

7) діни объектілердің (мешіт, шіркеу, собор, синагога және т. б.) қызметін тоқтата тұруды;

8) мәдениет объектілерінің (жеке, топпен репетиция), кітапханалар, мұражайлардың қызметін тоқтата тұруды;

9) театр, кинотеатр қызметін тоқтата тұруды;

10) бекітілген кесте бойынша санитариялық күн өткізе отырып, азық – түлік дүкендерінің жұмыс тәртібін **сағат 09.00–ден 20.00-ге дейін** шектеуді;

11) Ақмола облысы Полиция департаменті бекіткен тізім бойынша такси қызметінің жүріп-тұруын (2 адамнан артық емес) сағат **21:00-ден 06.00-ге дейін** шектеуді;

12) ҚР БМСД-нің № 57-қаулысының талаптары сақталған жағдайда келушілердің санын 30%-дан асырмай және бір келушіге кемінде 4 ш.м. сақталған, **алаңы 800 ш.м-ден. артық** сауда ойын-сауық орталықтарының, сауда объектілерінің қызметі **жұмыс күндері сағат 10:00-ден 19.00-ге дейін** шектелсін. **Демалыс және мереке күндері тоқтата тұруды;**

13) ҚР БМСД-нің № 57-қаулысының талаптары сақталған жағдайда келушілердің санын 30%-дан асырмай және бір келушіге кемінде 4 ш.м. азық-түлік емес және жабық азық-түлік базарларының (базарлар үлгісіндегі сауда үйлері, сауда орталықтары, павильон, дүкен және т. б.) **жұмыс күндері сағат 10:00-ден 19.00-ге дейін** қызметін шектелсін. **Демалыс және мереке күндері тоқтата тұруды;**

14) ҚР БМСД-нің №57-қаулысының талаптарын сақтай отырып, (объект персоналы қорғау құралдарымен қамтылуы тиіс, персонал қолғапсыз, бетпердесіз жұмысқа жіберілмейді, келушілерге қызмет көрсеткен кезде персоналдың (официант) қолғапсыз, қорғау экрансыз жұмыс жасауына рұқсат берілмейді), көпшілік жиналатын салтанатты, отбасылық, естелік, ұжымдық және басқа да іс-шараларды өткізбей, бір мезгілде **30 келушіден артық емес, 30 келушіге дейін орналастыра алатын объектілер үшін-есептік қуаттың 50%-ынан артық емес, үстел арасындағы қашықтық 2 метрден кем емес және келушілер арасында 1 метрден кем емес қашықтықты сақтап, жұмыс тәртібін сағат 08.00-ден 19.00-ге дейін шектей отырып**, үй-жайларда қоғамдық тамақтандыру объектілерінің қызметіне қызметіне рұқсат берілсін. **Демалыс күндері ҚР БМСД-нің № 57-қаулысының талаптарын сақтай отырып, жұмыс режимін сағат 08.00-ден 20.00-ге дейін шектей отырып**, тамақ жеткізетін қоғамдық тамақтандыру объектілерінің қызметіне рұқсат беруді;

15) ҚР БМСД-нің № 57-қаулысының талаптары сақталған жағдайда санитариялық нормаларға Сәйкестік актісі болған жағдайда, алдын ала жазылу бойынша, клиент залында (4 шаршы метрге 1 адам және оңтайлы жұмыс аймақтарының шекараларын белгілей отырып, кресло арасында кемінде 2 метр қашықтық) әлеуметтік қашықтықты сақтау мүмкіндігі есебінен келушілердің толтырылуы сақталған жағдайда сұлулық салондарының, шаштараздардың, СПА орталықтарының және косметологиялық қызмет көрсететін объектілердің қызметіне жұмыс тәртібі **сағат 08.00-ден 19.00-ге дейін** рұқсат беру. **Жексенбі күндері тоқтата тұруды;**

16) ҚР БМСД-нің № 57- қаулының талаптары сақталған жағдайда **алдын ала жазылу бойынша топтарда 15 адамнан артық емес** балалар кабинеттерінің/түзету орталықтарының, балалар мен ересектердің білім беру орталықтарының қызметіне жұмыс тәртібі **сағат 08.00-ден 19.00-ге дейін** рұқсат беруді;

17) ҚР БМСД-нің № 57- қаулының талаптары сақталған жағдайда **жұмыс күндері алдын ала жазылу бойынша** келушілердің санын 50%-дан асырмай және бір адамға 5 шаршы метрден кем емес қамтамасыз ету кезінде фитнес-орталықтары, тренажер залдары мен спорттық-сауықтыру орталықтарының қызметіне жұмыс тәртібі **сағат 08.00-ден 19.00-ге дейін** рұқсат берілсін. **Жексенбі күндері тоқтата тұруды;**

18) ҚР БМСД-нің № 57-қаулының талаптары сақталған жағдайда келушілердің санын 50%-дан асырмай және бір адамға 4 шаршы метрден кем емес орын арналған монша, сауна қызметіне **жұмыс режимі сағат 08.00-ден 19.00-ге дейін** рұқсат беруді;

19) ашық ауада жеке және топтық жаттығуларға (топта 5 адамнан асырмай) **жұмыс режимі сағат 08.00-ден 19.00-ге дейін** рұқсат беруді;

20) Ұлттық құрама, клуб командалары үшін спорттық жаттығуларға (30 адамнан артық емес, байланыссыз термометрия, спорт базаларында тұру) **жұмыс режимі сағат 08.00-ден 19.00-ге дейін** рұқсат беруді;

21) жеке және топтық жаттығулар үшін спорт кешендерінің қызметіне **5 адамнан артық емес** рұқсат беруді;

22) ҚР БМСД №57-қаулысының талаптары сақталған жағдайда, қоғамдық көліктің жұмысына (қарбалас сәтте автобустар санының артуы, кондуктордың болуы, соңғы аялдамада дезинфекциялық құралдармен өңдеу, барлық есіктердің ашылуы, отыратын орын саны бойынша толықтырылуы) **жұмыс режимі сағат 08.00-ден 20.00-ге дейін** рұқсат беру. Демалыс және мереке күндері қоғамдық көліктің жұмысын тоқтата тұруды;

23) жеке автокөліктің өңірлер арасында жүруіне рұқсат беруді;

24) ҚР БМСД № 57-қаулысының талаптары сақталған жағдайда мемлекеттік органдар (ұйымдар, кәсіпорындар), квазимемлекеттік сектор органдарының, ұлттық кампаниялар, өзге де ұйымдардың, сондай-ақ кәсіпкерлік субъектілерінің қызметіне **жұмыс режимі сағат 09.00-ден 18.30-ге дейін** рұқсат берілсін. Бұл ретте қызметкерлердің кемінде 80%-ы қашықтықтан жұмыс атқарады (штаттық кестеде 30-дан астам қызметкер болғанда);

25) аймақтарға бөлу талаптары және күшейтілген санитариялық-дезинфекциялық режим, ҚР БМСД № 57-қаулысының талаптары сақталған жағдайда медициналық орталықтардың қызметіне (жазылу бойынша) рұқсат беруді;

26) туризм объектілері мен халықтың тұруы бойынша қызмет көрсету саласындағы ұйымдардың (қонақ үйлер, отельдер, демалыс үйлері, туристік базалар және т. б.) қызметіне толықтыруды 80%-дан асырмай, ҚР БМСД №57-қаулысының талаптары сақталған жағдайда рұқсат беруді;

27) ҚР БМСД № 57-қаулысының талаптары сақталған жағдайда дәріханалардың қызметіне рұқсат беруді;

28) ҚР БМСД № 57-қаулысының талаптары сақталған жағдайда үздіксіз өндірістік циклі бар өнеркәсіп кәсіпорындары қызметіне, ашық ауадағы құрылыс жұмыстарына, ауыл және балық шаруашылығына, мал шаруашылығына рұқсат беруді;

29) ҚР БМСД-нің № 57- қаулының талаптарын, күшейтілген санитариялық-дезинфекциялық режимді сақтай отырып, (алдын ала жазылу бойынша көлік салонынд 2 клиенттен артық емес, ТҚС-да 3 клиенттен артық емес, тұрақты жұмыс орындары арасында кемінде 2 метр қашықтық болуы) жұмыс тәртібін сағат 08.00-ден 19.00-ге дейін шектей отырып, келушілерге жанаспайтын қызмет түрлерін көрсету объектілеріне (көлік жуу, көлік жөндеу, тұрмыстық техника жөндеу және т.б.) рұқсат беруді;

30) ҚР БМСД № 57-қаулысының талаптары сақталған жағдайда бизнес-орталықтары (сақтандыру компаниялары, адвокат, нотариус, бухгалтер және консалтинг, жылжымайтын мүлік жөніндегі агенттік, жарнама агенттіктері, сот

орындаушылары қызметтері және т.б.), айырбастау пункттерінің, ломбардтардың жұмысын ұйымдастыруды;

31) ҚР БМСД № 57-қаулысының талаптары сақталған жағдайда жұмыс кестесін Халыққа қызмет көрсету орталықтарының, (бұдан әрі-ХҚКО), соның ішінде арнайы ХҚКО-ның жұмысы **жұмыс күндері (дүйсенбі-жұма) сағат 9.00-ден 18.00-ге дейін, сенбі күндері сағат 9.00-ден 14.00-ге дейін белгілей отырып**, ұйымдастырылсын. Карантин шараларын қамтамасыз ету үшін ХҚКО-ға және арнайы ХҚКО-ға бару Egov.kz, телеграмм-бот EgovKZBot 2.0 арқылы алдын ала жазылу бойынша жүзеге асыруды;

32) ҚР БМСД № 57-қаулысының талаптары сақталған жағдайда **жұмыс күндері сағат 09:00-ден 18:00-ге дейін, сенбі күндері сағат 09:00-ден 14:00-ге дейін** шектей және онлайн форматта барынша қызмет көрсете отырып «Қазпочта» АҚ жұмысын ұйымдастыруды;

33) мемлекеттік көрсетілетін қызмет орталықтарында мемлекеттік кіріс ғимараттарының қызметі **жұмыс күндері (дүйсенбі-жұма) (түскі үзіліспен) сағат 09:00-ден 18:00-ге дейін** жұмыс уақытын шектей отырып, ұйымдастырылсын. Карантин шараларын сақтау үшін мемлекеттік кіріс органдарына (Көкшетау к., Степногорск к., Целиноград және Бурабай аудандары бойынша МКБ-ы www.kgd.gov.kz сайты, E-salyq мобильді қосымшасы арқылы **кезекті алдын ала броньдау**) немесе қалған өңірлердегі аумақтық басқармалар алдын ала жазылу бойынша халыққа қызмет көрсетулерін ұсынуды;

34) Қазақстан Республикасы Ұлттық Банкі мен Қазақстан Республикасы Қаржы нарығын реттеу және дамыту агенттігінің актілері негізінде уақыты мен санын шектей отырып, қаржы нарығы субъектілерінің қызметіне рұқсат беруді;

35) сыныптарда 15 балаға дейін білім мекемелерінде мектеп алды оқушыларына кезекшілік сыныптарының, ата-ана өтініші бойынша 1-4 сыныптарға 15 балаға дейін 5-тен 180 баланы қамтитын мектептердің жұмысына рұқсат беруді;

36) бір адамға жеке форматта су ауданы 5 ш.м. болуы тиіс, алдын ала жазылу бойынша хауыз қызметіне **жұмыс режимі сағат 08.00-ден 19.00-ге дейін** рұқсат берілсін. **Жексенбі күндері тоқтата тұруды;**

37) **бетперде режимін және кемінде 2 метр қашықтықты сақтай отырып, 15 адамнан аспайтын** жеке және ұйымдасқан топтар үшін ерекше қорғалатын табиғи аумақтарға (мемлекеттік ұлттық табиғи парк, қорық, резерват және т.б.) баруға рұқсат беруді;

38) өңірлердегі эпидемиологиялық жағдайды ескере отырып, «Балдәурен» республикалық оқу-сауықтыру орталығы» РМҚК қызметіне рұқсат беру;

39) арнайы, мамандандырылған ұйымдардың, ерекше білім беру қажеттілігі бар балаларға арналған арнайы мектеп-интернаттардың (оның ішінде ата-анасының қамқорлығынсыз қалған жетім балаларға арналған), жалпы үлгідегі мектеп-интернаттардың, дарынды балаларға арналған мектеп-интернаттардың қызметіне рұқсат беруді;

40) бір мезгілде **30 адамнан асырмай** жинақтай отырып, күшейтілген санитариялық-дезинфекциялық режимді сақтай отырып, облыстық командаларды даярлау үшін оқу-жаттығу жиындарын қайта бастауға рұқсат беруді;

41) қоғамдық көлікті, такси көліктерін, өнеркәсіптік аумақтарды, әуежайларды, балаларға арналған аула алаңдарын, азық-түлік және азық-түлік емес базарларды және басқа да қоғамдық орындарды санитариялық және дезинфекциялық өңдеу жүргізуді;

42) қала маңындағы жолаушылар поездарын/электрпоездардың қозғалысын, қалааралық облысшілік автобустар, микроавтобус қозғалысын жандандыруды;

43) Қазақстан Республикасының және Ақмола облысының Бас мемлекеттік санитариялық дәрігерінің қолданыстағы қаулыларына сәйкес шектеу іс-шараларының сақталуына мониторинг жүргізу және Қазақстан Республикасының қолданыстағы заңнамасына сәйкес санитариялық-карантиндік шараларды сақтамаған тұлғаларды әкімшілік жауапкершілікке тарта отырып, әкімдіктер жанындағы мобильді топтардың объектілерге іріктеп тексеру жүргізуді;

44) мобильді мониторинг топтарының қызметін бақылау бойынша жұмыс топтар құруды;

45) халыққа COVID-19 таралуының алдын алу бойынша ақпараттандыру-түсінідіру жұмыстарын жүргізуді;

46) медициналық ұйымдарда, қарт адамдар мен мүмкіндігі шектеулі адамдарға арналған медициналық-әлеуметтік объектілерде, сәби үйлеріне, балалар үйлерінде, әлеуметтік оңалту орталықтарында, интернат үлгісіндегі мүгедек балаларға арналған оқу орындарында карантин режимі және санитариялық-дезинфекциялық режимді сақтауды;

47) COVID-19 (U07.1) және вирустық пневмония (U07.2) ауруларымен ауыратын науқастарға медициналық көмек көрсетуге тартылған инфекциялық және провизорлық стационарлар қызметкерлерін тұратын орынмен қамтамасыз етуді;

48) әртүрлі медицина ұйымдарының медицина қызметкерлерін (әртүрлі үй-жайларда, олардың қарым-қатынас мүмкіндігін болдырмау мақсатында) бөлек орналастыруды және бөлек тамақтандыруды қамтамасыз етуді;

49) бір медицина ұйымының әртүрлі бөлімшелерінің қызметкерлерін үй-жайларда бөлек орналастыруды және бөлек тамақтандыруды қамтамасыз етуді;

50) үйлерінде тұрамайтын инфекциялық және провизорлық стационарлар қызметкерлерінің COVID-19 (U07.1) және вирустық пневмония (U07.2) таралуының алдын алуға бағытталған орналастыру, тамақтану жағдайларын және басқа да іс-шараларды орындауын бақылауды қамтамасыз етуді;

51) қашықтықтан ақыл-кеңес беру мүмкіндігі үшін медицина қызметкерлерінің тұратын жерлерінде интернетке қолжетімділікті қамтамасыз етуді;

52) «Ұлттық сараптама орталығы» ШЖҚ-ндағы РМК-ы Ақмола облысы бойынша филиалының вирусологиялық зертханасының қызметкерлерін тұратын орынмен және тамақтандырумен қамтамасыз етуді;

53) әрбір медициналық ұйым үшін бөлек медицина қызметкерлері үшін тұратын жерінен жұмысқа дейін және кері бағытта көлікті қамтамасыз ету, кейіннен көлікті дезинфекциялауды;

54) ҚР БМСД-нің № 57-қаулыға 32-қосымшаға сәйкес қауіпсіздік шараларын сақтай отырып, COVID-19-дан (U07.1) және вирустық пневмониядан (U07.2) көз жұмған адамның мәйітін жерлеуді ұйымдастыру үшін әрбір ауданда (қалада) бригада құрылсын;

55) COVID-19-дан (U07.1) және вирустық пневмониядан (U07.2) көз жұмған адамдардың мәйіттерін тасымалдауға арналған автокөлікпен, көмуге қатысатын адамдарды жеке қорғаныш құралдарымен қамтуды **қамтамасыз етсін.**

6. Ақмола облысы Денсаулық сақтау басқармасының басшысы:

1) АМСК ұйымдарында профилактикалық егулерді қоспағанда, жоспарлы скрининг жүргізуді және профилактикалық тексерулерді тоқтата тұрсын;

2) Қазақстан Республикасы және Ақмола облысының Бас мемлекеттік санитариялық дәрігерлерінің қолданыстағы қаулылары талаптарының орындалуын **қамтамасыз етсін.**

7. Ақмола облысы Полиция департаментінің бастығы:

1) Көкшетау қаласының әкімдігімен бірлесе Көкшетау қаласының карантиндік аймағының периметрін уақытша орнатуды, блок бекеттерін орната отырып, қалаға кіру және шығу пункттерін белгілеуді;

2) COVID-19 U07.1 және вирустық пневмония U07.2 ауру белгілері белгісіз (*тасымалдаушы*) тұлғаларды және ауру жағдайы расталған жақын қарым-қатынаста болған деп белгіленген оның қасындағы тұлғалардың үйдегі карантинді сақтайтынын бақылауға жәрдемдесуді

3) қызметі рұқсат етілген объектілерде карантин шараларының, санитариялық-дезинфекциялық режимнің сақталуын бақылауға жәрдемдесуді, бұзушылық анықталған жағдайда Әкімшілік құқық бұзушылықтары туралы кодексі негізінде тиісті әкімшілік шаралар қолдануды **қамтамасыз етсін.**

8. Тауарлар мен көрсетілетін қызметтердің сапасы мен қауіпсіздігін бақылау басқармаларының басшылары:

1) Қазақстан Республикасының және Ақмола облысының Бас мемлекеттік санитариялық дәрігерінің қолданыстағы қаулыларының талаптарын орындауды;

2) халықты сапалы ауыз сумен қамтамасыз ету жөнінде қажетті шаралар қабылдай отырып, сумен жабдықтау объектілерінің жұмысын бақылауды;

3) әкімшілік шаралар қолданусыз халық тұтынатын ауыз су сапасына санитариялық-эпидемиологиялық мониторинг жүргізуді;

4) карантин режимінің сақталуын бақылау аясында азық-түлік дүкендерін және тамақ жеткізуді жүзеге асыратын қоғамдық тамақтандыру ұйымдарын қадағалауды;

5) COVID-19 (U07.1) және вирустық пневмония (U07.2) ауыратын науқасты сұрастыруды;

6) тәуекел тобындағы (жүрек-қан тамыр жүйесінің созылмалы аурулары, қант диабеті, метаболикалық синдром, бүйректің созылмалы ауруларымен ауыратын 60 жастан асқан адамдар, жүкті әйелдер) адамдар жоқ симптомсыз вирус тасымалдаушылардың ошақтарын қоспағанда, эпидемиологиялық тексеру картасын ресімдей отырып, COVID-19 жағдайларын эпидемиологиялық тергеп-тексеруді қамтамасыз етсін. COVID-19 жағдайларын эпидемиологиялық тергеп-тексеруді мынадай басымдықта жүргізу керек: симптомдары бар COVID-19 жағдайларының ошақтары; симптомсыз ағымы бар COVID-19 жағдайларының ошақтары; басқа ошақтар. Пациент туралы деректер Қазақстан Республикасы Денсаулық сақтау министрлігінің COVID-19 Веб-қосымшасына енгізіледі»;

7) осы қаулыға 36-қосымшаға сәйкес үй карантиніндегі байланыста болған сондай-ақ олармен бірге тұратын адамдарға үйде оқшаулау (үй карантині) қағидаларын сақтау қажеттілігі туралы қол қойғызып хабарлауды;

8) зертханалық растауды алған сәттен бастап 12 сағат ішінде COVID-19 әрбір жаңа жағдайы туралы ақпаратты «ҚР ДСМ Қоғамдық денсаулық сақтау ұлттық орталығы» шаруашылық жүргізу құқығындағы республикалық мемлекеттік кәсіпорнына ұсынуды;

9) инфекциялық стационарларда және өзге де денсаулық сақтау ұйымдарында эпидемияға қарсы режимнің сақталуын бақылауды;

10) халықты COVID-19 таралуы бойынша ағымдағы эпидемиологиялық жағдай және өңірлерде қолданылатын шаралар туралы хабардар етуді;

11) COVID-19(U07.1) алдын алу шаралары туралы халық арасында ақпараттық-түсіндіру жұмыстарын күшейтуді;

12) санитариялық-карантиндік талаптардың шарттарын сақтамағаны үшін әкімшілік ықпал ету шараларын қабылдауды;

13) медициналық ұйымдардың «Дамумед» АЖ-і арқылы байланыста болған адамдарға қашықтықтан мониторинг жүргізуін бақылауды **қамтамасыз етсін.**

9. Ақмола облысы ішкі саясат басқармасы, аудандар мен Көкшетау, Степногорск қалаларының әкімдері:

1) бұқаралық ақпарат және әлеуметтік желілер арқылы 2 күн ішінде қосымша қабылданған шектеу шаралары туралы халыққа хабардар етуді;

2) халық үшін қосымша қабылданған шектеу шаралары туралы жаднамалар, оның ішінде шұғыл және апат қызметтерінің барлық қажетті байланыстарын көрсете отырып, шектеу іс-шаралары кезеінде көшелерде қауіпсіздік шараларын, жүріс-тұрыс ережелерін сақтау туралы азаматтарға арналған нұсқаулықтар әзірледі;

3) облыс тұрғындары арасында жұқтыру ошақтарын оқшаулау және оның таралу қаупін азайту бойынша қабылданатын шаралар туралы бұқаралық ақпарат құралдарында ақпарат жариялау жүргізуді қамтамасыз етсін.

10. Ұлттық сараптама орталығы» ШЖҚ-ндағы РМК-нің Ақмола облысы бойынша филиалы Қазақстан Республикасы мен Ақмола облысының Бас мемлекеттік санитариялық дәрігерінің қолданыстағы қаулылары талаптарының орындалуын **қамтамасыз етсін.**

11. «Ақмола облысының аумағында карантиндік шектеу шараларын күшейту туралы» 2020 жылғы 23 қазандағы Ақмола облысының Бас мемлекеттік санитариялық дәрігерінің № 129 қаулысының, «Ақмола облысының аумағында карантиндік шектеу шараларын күшейту туралы» 2020 жылғы 23 қазандағы Ақмола облысының Бас мемлекеттік санитариялық дәрігерінің № 129 қаулысына өзгерістер мен толықтырулар енгізу туралы» 2020 жылғы 26 қазандағы № 130 қаулысының күші жойылды деп танылсын.

12. Халықтың санитариялық-эпидемиологиялық саламаттылығы саласында қызметті жүзеге асыратын Ақмола облысының қалалары мен аудандарының тиісті аумағындағы Бас мемлекеттік санитариялық дәрігерлері қалыптасқан эпидемиологиялық жағдайға байланысты карантин шараларын күшейту туралы шешім қабылдауға құқылы.

13. Меншік нысанына қарамастан, барлық жеке және заңды тұлғалар Қаулыны орындауға міндетті.

14. Осы қаулы барлық мүдделі ведомстволардың назарына жеткізілсін, халыққа бұқаралық ақпарат және әлеуметтік желілер арқылы хабардар етілсін.

15. Осы қаулының орындалуын бақылауды өзіме қалдырамын.

16. Осы қаулы қалыптасқан эпидемиологиялық жағдайға байланысты ұзарту және жеңілдету ықпалдарымен 2020 жылғы 07 қараша күні сағат 00:00-ден бастап күшіне енеді.

Ақмола облысының
Бас мемлекеттік
санитариялық дәрігері



А.Мусина

Ақмола облысының Бас мемлекеттік
санитариялық дәрігерінің
2020 жылғы «03» 11
№ 136 қаулысына
қосымша

**COVID -19 әкелінуі мен таралуының алдын алу жағдайына
санитариялық бекеттердің қызметінің
алгоритмі**

1. Санитариялық бекеттер карантин аймағына/аумағынан кіру және шығу пункттерінде орнатылады.
2. Жұмысқа тартылған ведомстволардың басшылары санитариялық бекеттің қызметкерлерін жеке қорғану құралдарымен (медициналық бетперделер, қолғаптар) және қолға арналған антисептиктермен қамтамасыз етуі тиіс;
3. Жұмысқа тартылған ведомстволардың басшылары жұмыс кестесін бекітеді және блокбекеттің қызметкерлері үшін ыстық тамақтануды ұйымдастыруды қамтамасыз етеді.
4. Санитариялық бекеттердің қызметкерлері жеке қауіпсіздік шараларын сақтауға міндетті.
5. Ақмола облысы Полиция департаментінің қызметкерлері Көкшетау, Степногорск қалаларына/қалаларынан кіру және шығу кезінде санитариялық бекеттерде автокөлікті тоқтатады және қоғамдық тәртіпті қамтамасыз етеді;
6. Сұрақ қою кезінде сұралатын тұлға мен санитариялық бекеттің қызметкері арасындағы қашықтық кемінде 1 метр сақталуын қамтамасыз ету қажет.
7. Медицина қызметкері, санитариялық қызмет қызметкері санитариялық бекетте адамдардың дене қызуын өлшейді, сауалнама жүргізеді, науқастардың және карантин бұзған қарым қатынастағылардың ақпараттық жүйесі бойынша бақылауды жүзеге асырады.
8. Қағазға сауалнама жүргізу кезінде санитариялық бекеттің медицина қызметкері, Қазақстан Республикасы Денсаулық сақтау министрлігінің Веб-қосымшасына (бұдан әрі-Веб-қосымша) қағаздағы сауалнамадан мәліметтерді тұлғалар өңірге келгеннен кейін 6 сағат ішінде енгізеді.
9. COVID-19 күдікті тұлғалар анықталған кезде (респираторлық белгілері (жөтел, температура (сұралушының сөзінен), енгігу) болған кезде, сондай-ақ эпидемиологиялық сыртартқысында COVID-19 расталған жағдаймен байланыс болуы болған кезде, Медицина қызметкері, санитариялық қызмет қызметкері оны провизор стационарына тасымалдау үшін жедел медициналық жәрдемді шақырады.
10. Жедел медициналық жәрдем көлігі келгенге дейін, науқасқа медициналық бетперде ұсыну және кемінде 1 метр қашықтықты сақтау қажет.
11. Санитариялық бекеттерде орта буынды медицина қызметкері бір рет қолданылатын медициналық бетперделерді, қолғаптар мен халаттар пайдаланады. Бетперде ауыстыру әрбір 2 сағат сайын жүзеге асырылады.